

2. gr.

Reglugerð þessi, sem sett er með heimild í 42. gr. laga nr. 50/1988, um virðisaukaskatt, gildir frá 1. janúar 1995.

Fjármálaráðuneytið, 23. desember 1994.

F. h. r.

Indriði H. Þorláksson.

Jón Guðmundsson.

5. desember 1994

Nr. 672

REGLUR

um málsmeðferð samkeppnisfyrvalda.

I. KAFLI

Hlutverk og starfssvið.

1. gr.

Hlutverk samkeppnisfyrvalda, þ.e. Samkeppnisráðs og Samkeppnisstofnunar, er að framfylgja ákvæðum samkeppnislaga, m.a. með því:

1. að ákveða aðgerðir gegn samkeppnishamlandi hegðun fyrirtækja og óréttmætum viðskiptaháttum,
2. að hafa eftirlit með að ekki séu veittar rangar, ófullnægjandi eða villandi upplýsingar í auglýsingum eða á annan hátt,
3. að gæta þess að aðgerðir opinberra aðila takmarki ekki samkeppni og benda stjórnvöldum á leiðir til þess að gera samkeppni virkari og auðvelda aðgang nýrra samkeppnisaðila að markaði,
4. að stuðla að auknu gagnsæi markaðarins,
5. að hafa eftirlit með greiðslukortastarfsemi,
6. að aðstoða við framkvæmd samkeppnisreglna annarra ríkja í samræmi við gagnkvæmar skuldbindingar í milliríkjasamningum sem Ísland er aðili að,
7. að annast eftirlit með framkvæmd þeirra sérлага sem svo er mælt fyrir um, svo sem laga um neytendalán og laga um alferðir.

2. gr.

Starfssvið samkeppnisfyrvalda er að hafa eftirlit með hvers konar atvinnustarfsemi, svo sem framleiðslu, verslun og þjónustu, án tillits til þess hvort hún er rekin af einstaklingum, félögum, opinberum aðilum eða öðrum.

Afskipti af launum eða öðrum starfskjörum launþega samkvæmt kjarasamningum falla utan starfssviðs samkeppnisfyrvalda.

3. gr.

Samkeppnisstofnun undirbýr mál sem lögð eru fyrir Samkeppnisráð og ráðgjafarnefndir þess og annast dagleg störf ráðsins. Jafnframt annast Samkeppnisstofnun jafnan samskipti ráðsins við einstaklinga, fyrirtæki, fjölmiðla, stofnanir, stjórnvöld og dómstóla.

4. gr.

Samkeppnisráð tekur ákvarðanir í öllum málum þar sem skorið er úr ágreiningi um gildissvið samkeppnislaga og enn fremur málum sem hafa stefnumarkandi eða víðtæk áhrif.

Samkeppnisráð tekur ákvarðanir um aðgerðir á grundvelli 17. og 18. gr. samkeppnislaga. Samkeppnisráð tekur allar ákvarðanir um stjórnvaldssektir eða dagsektir á grundvelli samkeppnislaga, nema þegar um er að ræða ákvörðun Samkeppnisstofnunar til bráðabirgða, sbr. 5. gr. reglna þessara.

5. gr.

Samkeppnisstofnun er heimilt að taka ákvarðanir til bráðabirgða um einstök mál. Slíkar ákvarðanir skulu teknar í samráði við formann Samkeppnisráðs eða staðgengil hans sé þess kostur og lagðar fyrir næsta fund Samkeppnisráðs. Skal ráðið taka afstöðu til ákvörðunarinnar innan sex vikna ella fellur hún úr gildi. Samkeppnisráð getur falið Samkeppnisstofnun ákvörðunarvald sitt á afmörkuðum sviðum.

II. KAFLI

Málsmeðferð.

6. gr.

Samkeppnisyfirvöld taka mál til meðferðar, hvort heldur er á grundvelli aðsendra erinda eða að eigin frumkvæði. Taki samkeppnisyfirvöld upp mál að eigin frumkvæði skal við meðferð þess fylgja ákvæðum 9.-14. gr. reglna þessara eftir því sem við getur átt.

7. gr.

Erindi skulu vera skrifleg og þar skal greint frá nafni, heimilisfangi og kennitölu þess sem sendir erindið. Erindi skal undirritað af þeim sem ber það fram eða umboðsmanni hans. Unnt er að krefjast vottorðs til sönnunar á umboði. Samkeppnisstofnun getur ákveðið að erindi sé skilað á sérstöku eyðublaði sem stofnunin lætur í té.

Lýst skal tilefni erindis og skýrt hvaða lögvörðu hagsmuni hlutaðeigandi hafi að gæta, sbr. 9. gr. reglna þessara. Málavextir skulu skýrðir eins ítarlega og kostur er. Erindum skal jafnan fylgja rökstuðningur með vísan í lagaákvæði og þau sönnunargögn sem tiltæk eru og máli skipta, svo sem samninga, viðskiptaskilmála og hagtolur.

Ávallt skal send staðfesting á móttöku erindis innan hæfilegs frests og jafnframt tilkynnt að erindið kunni að verða kynnt þeim sem kvörtun beinist að eða öðrum aðilum sem hagsmuna eiga að gæta.

8. gr.

Samkeppnisyfirvöld geta ákveðið að taka aðsent erindi til meðferðar að eigin frumkvæði þrátt fyrir að það sé ekki sett fram með réttum hætti eða af réttum aðila, sbr. 7. gr. reglna þessara.

9. gr.

Þeir sem eiga lögvarinna hagsmuna að gæta eiga aðild að málum fyrir samkeppnisyfirvöldum.

10. gr.

Telji samkeppnisyfirvöld að erindi fullnægi ekki lagaskilyrðum til að hljóta nánari athugun og meðferð eða gefi ekki tilefni til athugunar af öðrum ástæðum skal hlutað-

eigandi tilkynnt um þá niðurstöðu. Jafnframt skal kynna kæruleið og frest til að skjóta niðurstöðu samkeppnisfirvalda til áfrýjunarnefndar samkeppnismála.

Leitast skal við að afgreiða erindi eftir þeirri röð sem þau berast. Þó er heimilt að ráða málum í forgangsröð ef ástæða þykir til.

11. gr.

Ákveði samkeppnisyfirvöld að taka mál til meðferðar skal þeim einstaklingi, lögaðila eða stjórnvaldi sem athugun beinist að, skýrt frá efni þess og gefinn kostur á að koma að athugasemdum og skýringum, nema hætta sé á að rannsókn kunní að torveldast af þeim sökum. Samkeppnisstofnun getur sett aðila ákveðinn frest í þessu skyni.

Samkeppnisstofnun kynnir málsaðilum efni gagna málsins nema slíkt sé bersýnilega óþarft eða ákvæði 1. mgr. 12. gr. reglna þessara eigi við.

12. gr.

Þegar sérstaklega stendur á er samkeppnisyfirvöldum heimilt að takmarka aðgang málsaðila að gögnum máls ef hagsmunir hans, af því að notfæra sér vitneskju úr þeim, þykja eiga að víkja fyrir mun ríkari almanna- eða einkahagsmunum, einkum þegar um er að ræða viðkvæmar viðskiptalegar upplýsingar sem eðlilegt má telja að leynt fari.

Sé þess óskað að farið verði með upplýsingar sem trúnaðarmál skal tilgreina ástæðu þess. Komi í ljós að ósk um trúnað sé ekki réttmæt en upplýsingarnar ráða ekki niðurstöðu máls verða þær ekki lagðar til grundvallar.

Ákvörðun um að synja eða takmarka aðgang málsaðila að gögnum skal rökstudd og tilkynnt aðila. Í tilkynningu skal greina málsaðila frá rétti hans til að skjóta ákvörðuninni til áfrýjunarnefndar samkeppnismála innan 14 daga frá því að tilkynnt var um ákvörðunina.

Ákvæði þessarar greinar koma ekki í veg fyrir að birtar verði almennar upplýsingar sem ekki geyma viðkvæm viðskiptaleg eða tæknileg atriði, einkum ef slíkt er nauðsynlegt til að upplýsa á hvaða málsástæðum ákvörðun samkeppnisfirvalda er byggð.

13. gr.

Að lokinni gagnaöflun leggur Samkeppnisstofnun málið fyrir Samkeppnisráð til umræðu og ákvörðunar, sbr. þó ákvæði 5. gr. reglna þessara. Í þeim tilvikum sem atvik máls eru umdeild eða óskýr getur Samkeppnisstofnun dregið saman atvikalýsingu í greinargerð og óskað eftir athugasemdum málsaðila áður en málið er lagt fyrir Samkeppnisráð.

Niðurstaða samkeppnisfirvalda getur ýmist verið stjórnvaldsákvörðun, sem er bindandi að lögum, eða álit, hvort heldur leiðbeiningar um gildandi rétt eða álitsgerð á grundvelli 19. gr. samkeppnislaga.

14. gr.

Samkeppnisyfirvöldum er heimilt á öllum stigum máls að ljúka því með sátt.

15. gr.

Eftir að máli er lokið skal niðurstaðan tilkynnt málsaðila og er hún bindandi eftir að hún er komin til aðila. Veita skal leiðbeiningar um kærueimild og fresti til að skjóta málinu til áfrýjunarnefndar samkeppnismála þegar það á við.

III. KAFLI Fundir Samkeppnisráðs o.fl.

16. gr.

Samkeppnisstofnun boðar, að höfðu samráði við formann Samkeppnisráðs eða staðgengil hans, til fundar í ráðinu. Ef meirihluti ráðsmanna krefst þess er skylt að boða til fundar. Með fundarboði skal fylgja dagskrá og gögn eftir því sem við verður komið.

Aðalmaður getur, þegar hann er staddur fjarri fundarstað eða hefur sérstakt óhagræði af því að sækja fund, óskað eftir við formann eða staðgengil hans að fundur fari fram gegnum síma eða annað fjarskiptatæki, enda verði fundi þannig hátað að allir ráðsmenn geti átt orðastað við þann fjarstadda. Þegar ákveðið er að funda með þessum hætti skal hinn fjarstaddi ráðsmaður ávallt hafa átt þess kost að kynna sér málgögn.

Geti aðalmaður ekki mætt til fundar og ekki er fundað samkvæmt 2. mgr. þessarar greinar skal aðalmaður tryggja að varamaður taki sæti hans ef kostur er.

17. gr.

Málsmeðferð fyrir Samkeppnisráði skal vera skrifleg. Þó er unnt að heimila munnlega málsmeðferð þegar sérstaklega stendur á að mati ráðsins.

18. gr.

Samkeppnisráð er starfshæft þegar meirihluti ráðsmanna situr fund og ræður afl atkvæða úrslitum. Verði atkvæði jöfn telst tillaga fallin.

Forstjóri Samkeppnisstofnunar og aðrir starfsmenn sem hann tilnefnir sitja fundi Samkeppnisráðs. Haldnar skulu fundargerðir um fundi ráðsins.

19. gr.

Um málsmeðferð fer að öðru leyti samkvæmt samkeppnislögum og stjórnsýslulögum.

IV. KAFLI Gildistaka.

20. gr.

Reglur þessar eru settar samkvæmt heimild í 1. mgr. 6. gr., sbr. 1. mgr. 8. gr. samkeppnislaga nr. 8/1994, með áorðnum breytingum, og öðlast gildi við birtingu.

Reykjavík, 5. desember 1994.

F. h. samkeppnisráðs

Georg Ólafsson.

Páll Ásgrímsson

REGLUGERÐ um skylduvátryggingu fiskiskipa.

1. gr.

Fiskiskip merkir í reglugerð þessari vélskip með þilfari 100,49 rúmlestir brúttó að stærð eða minni, sem aðallega eru ætluð til fiskveiða við Ísland og sigla undir íslenskum fána.